



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**COMUNE DI SINNAI**

**COMUNU DE SÌNNIA**

**Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.**

Sinniesus festajolus

Seus arribaus a una de is prus festas mannas de Sinnia, cussa po sa patrona: Santa Brabara.

Sa traditzioni bolit chi Brabara fiat nàscia in Nicomedia de Bitinia de unu funtzionàriu paganu, Dioscoro, chi traballàt po Diocleziano. Brabara si fiat fata cristiana e po custu fiat stètia inserrada in una turri e impresonada. Gràtzias a unu miràculu fiat arrenèschia a si fuidi, ma su babu dd'iat agatada, dd'iat pistada, torturada, dd'iat segau unu sinu e a s'acabu degollada puru.

Su babu perou a pustis de essi bociu sa filla moriat luegus po mori de unu lampu calau de celu. □ Sa Santa si afestat su 4 de Mesi de Idas perou in Sìnnia sa festa prus manna benit fata in su Mesi de Argiolas, unu paperi de su 1775 narat chi su 9 de su mesi si afestàt s'anniversàriu de s'intitolazioni de sa crèsia parrochiali a Santa Brabara perou si narat puru chi prima de custa data nci fiat sa festa po sa Santa sempri su de tres domìngu de su mesi de Argiolas.

Custa data est alliongiada a unu miràculu de sa Santa chi, si narat, iat scampau de su fogu s'arregorta de s'annu fendi sonai sa campana a issa cunsagrada e duncas fendi curri totu sa genti in pratza de crèsia po custu allarmi, aici si fiant sapius de custu fogu e fiant arrenèschius a ddu sturai prima de nci perdi s'arregorta.

De intzandus est nàscia sa ricurrèntzia de fai sa festa po Santa Brabara in s'istadi puru: unu de is momentus prus de importu de sa festa tzivili fiat sa cantada cun is cantadoris mannus, sa cantada de Santa Brabara de Sìnnia difatis fiat connota in totu su Campidanu, ma si fiant is ballus puru e in antigòriu nci iant is parillias puru chi si fiant acanta a Santu Còsimu.

Ocannu sa festa at a incumentzai sàbudu su 15 de Argiolas cun sa gara poètica cun is cantadoris Filia, Orrù, Zedda e Melis acumpangiaus a sa ghitarra de Stefano Campus.

Su 16 s'at a fai sa prucezioni a pustis de sa missa, a su noti is fogus e sa serada musicali.

Ùrtima dii de festa at a essi su lunis su 17 de Argiolas cun Alessandro Pili.

“Virgo Màrtiri sagrada

Salve Barbara dicioso

O Patrona Gloriosa

De Sinnia grandu Abogada”